

Lajčák pozdravlja usvajanje novih Poslovnika o radu Parlamenta BiH



Visoki predstavnik i specijalni predstavnik EU Miroslav Lajčák danas je pozdravio odluke oba doma Parlamenta Bosne i Hercegovine da usklade svoje Poslovnike sa Ustavom.

“Ovo je dobar dan za Bosnu i Hercegovinu i njene građane. Dogovor parlamentaraca ispunjava zahtjeve koje sam postavio 19. oktobra”, izjavio je Lajčák. Usvojeni amandmani su u potpunosti u skladu sa Ustavom, a mogućnost blokiranja rada Parlamenta neprisustvovanjem sjednicama je, u najvećoj mogućoj mjeri, eliminisana. To znači da izabrani predstavnici moraju dolaziti na posao i zaraditi svoju platu.

“Ovaj dogovor omogućava institucijama BiH da se vrate na evropski put i u zvaničnoj proceduri usvoje Akcioni plan za reformu policije. To bi vratilo Bosnu i Hercegovinu nazad u proces evropske integracije”, zaključio je visoki predstavnik i specijalni predstavnik EU.